

Akcija BUYER UHAPŠEN AMAR ARSLANAGIĆ, TRAŽI SE OTAC EDIN



- Zbog organizovanog kriminala privedeni su i Šefik Handžić, Aida Selvić, Izet Arslanagić i Jasmin Šepo
- Tužilaštvo Kantona Sarajevo i SIPA preduzimaju mjere na pronalasku i drugih osumnjičenih

▶ 2. strana

Akcija BUYER

UHAPŠEN AMAR ARSLANAGIĆ, TRAŽI SE OTAC EDIN

- Zbog organizovanog kriminala privedeni su i Šefik Handžić, Aida Selvić, Izet Arslanagić i Jasmin Šepo
- Tužilaštvo Kantona Sarajevo i SIPA preduzimaju mjere na pronalasku i drugih osumnjičenih

Pripadnici Agencije za istrage i zaštitu BiH (SIPA), uz podršku pripadnika MUP-a Kantona Sarajevo, ali i Porezne uprave FBiH, jučer su po nalogu Kantonalnog tužilaštva u Sarajevu uhapsili Amara Arslanagića, jednog od bivših direktora u Bosnalijeku i sina bivšeg direktora Bosnalijeka Edina Arslanagića, zatim Šefika Handžića, nekadašnjeg finansijskog direktora Bosnalijeka, te Izeta Arslanagića, Aidu Selvić i Jasmina Šepu. Iz Tužilaštva preduzimaju mjere na pronalasku i drugih osumnjičenih.

Organizovani kriminal

- Uhapšeni su zbog postojanja osnovane sumnje da su kao organizovana grupa u periodu od 2002. do 2012. godine počinili više krivičnih djela, i to: krivična djela zloupotrebe položaja ili ovlasti, sklanjanje štetnih ugovora, krivotvorenje službene isprave, porezne utaje i dr; a kao uposlenici firme Bosnalijek d.d. Sarajevo, Brštanica d.o.o. Sarajevo i Carpe Diem Sarajevo i na ovaj način oštetili Bosnalijek d.d. Sarajevo, budžet Federacije BiH i budžet Kantona Sarajevo za milion-ske iznose u novcu, saopšteno je jučer iz Kantonalnog tužilaštva.

Iz SIPA su jučer saopštili da je pretreseno više lokacija u Sarajevu, te da je izuzeta i dokumentacija.

- Policijski službenici Državne agencije za istrage i zaštitu (SIPA), uz podršku pripadnika MUP-a Kantona Sarajevo i drugih partnerskih agencija, u operativnoj akciji BUYER na području Sarajeva pretresli su pokretnu i nepokretnu imovinu na devet lokacija i slobode lišili pet osoba. Slobode su lišene osobe inicijala A. A. (1972), I. A. (1944), A. S. (1971), Š. H. (1951) i J. Š. (1983) zbog postojanja osnovane sumnje da su počinile krivično djelo iz člana 342. KZFBiH organizirani kriminal, a u vezi sa krivičnim

Page: 1

Reach: 0

Country: BOSNIA AND HERZEGOVINA

Size: 633 cm2

2 / 2

djelom iz člana 383. KZFBiH zloupotreba položaja ili ovlaštenja, 273. KZFBiH poreska utaja, 389. KZFBiH krivotvorenje službene isprave i krivično djelo iz člana 252. KZFBiH sklapanje štetnog ugovora, saopšteno je iz SIPA.

Iz Agencije za istrage i zaštitu dodaju da je ovoj akciji prethodila višemjesečna složena kriminalistička istraga u okviru koje su dokumentovane nezakonite aktivnosti osumnjčenih osoba u firmi Bosnalijek, te da je prilikom pretresa pronađena dokumentacija i drugi predmeti koji mogu poslužiti kao dokazi u daljem postupku. Pet uhapšenih će nakon privođenja u službene prostorije SIPA u Istočnom Sarajevu, gdje se nad njima vrši kriminalistička obrada, biti predati Tužilaštvu KS-a na dalje postupanje.

Prevoz i topli obrok

Hasan Šepo, vlasnik Brštanice, preko koje su radnici Bosnalijeka primali naknadu za topli obrok, kao i Edin Arslanagić su van granica BiH, a navodno se upravo za njima traga. Uhapšena Selvić je radila na računima i fakturama između Bosnalijeka i Brštanice, dok je kompanija Carpe Diem organizovala prevoz radnika Bosnalijeka. Podsjetimo da je Amar Arslanagić u januaru ove godine na Kantonalnom sudu u Sarajevu osuđen na godinu zatvora zbog zloupotreba i pronevjera u službi u iznosu od 71.492,43 KM za period od 2005. do 2009. godine. Naime, kako je Oslobodjenje u nekoliko navrata pisalo, novcem Bosnalijeka plaćao je privatna putovanja i kupovao luksuzne predmete.

Napomenimo i to da Tužilaštvo BiH već nekoliko mjeseci vodi istragu o Bosnalijeku, u slučaju Hadenove kupovine dionica ove kompanije na SASE, a preko brokerske kuće Eurohaus.

M. D. R.

